

庞安时史料汇编

湖北省中医药研究院

PDG

庞安时史料汇编

湖北省中医药研究院医史文献研究室

毛德华 整编

钱远铭 审定

1989年8月

庞安时史料汇编

湖北省中医药研究院

内部印行

1989年8月

字数：42千字

印数：1,000册

工本费：0.70元

能源部武汉高压研究所印刷厂印刷

厂址：武汉市洪山区珞喻路143号

前 言

庞安时(1042—1099)，字安常，宋蕲州蕲水（今湖北浠水县）人，是我省宋代著名的医学家。其医疗活动主要在江淮一带（今湖北及河南的东部、安徽、江苏），神、哲年间负有盛名，苏轼、黄庭坚、张耒等文人仕宦均与他有密切交往。庞氏对脉法、针灸、本草都有精深的研究，尤长于诊治伤寒。平生著述甚多，传世者惟《伤寒总病论》一部。

关于庞安时的史料，多散载于某些古代著作之中，查阅研究，殊不方便。1985年钱远铭研究员主编《经史百家医录》时，已收录庞氏重要史料九篇。今仍循其旧例，在该书基础上进一步查找有关文献，又增辑四十余篇，除庞氏生平纪事外，对其著作提要及弟子的史料一并收录。原文经过校订，注明出处，酌加注释和按语，分为生平事迹、著作提要、方志选录和庞氏弟子四个部分。其中方志的原文是明清以后所撰，虽多祖述前人，但它代表了这一时期对庞氏史料研究的情况，故亦酌加收录，列为一部。各部分史料大体上按时间次序排列，适当照顾同类相归和原篇目的完整性，篇题大多为自拟。为节省篇幅，注按例多从简，旨在为读者查阅史料提供方便。由于掌握的资料有限，收录不够全面；注按及分类亦难免有错，敬希同道不吝赐教。

编 者

1989年8月

目 录

一、生平事迹	(1)
1 庞安时传	(1)
2 庞安常墓志铭	(3)
3 与庞安常同游	(8)
4 与陈季常书	(8)
5 庞安常耳聩	(9)
6 庞安常医术绝妙	(9)
7 庞安常为医不志于利	(10)
8 书庞安常见遣廷珪墨	(11)
9 与庞安常书	(12)
10 寄庞安常圣散子	(12)
11 答庞安常二首	(14)
12 庞安常伤寒论后序	(14)
13 跋庞安常伤寒论	(16)
14 庞安时治狂	(16)
15 赠庞安常先生	(17)
16 谒庞安时	(18)
17 庞安常治丹石毒案	(18)
18 庞安常针术	(19)
19 庞安常小传	(20)
20 庞安常	(21)

21 宋神哲间名医·····	(21)
----------------	------

二、著作提要····· (23)

1 《宋史》载庞氏著作·····	(23)
2 《直斋书录解题》录庞氏著作·····	(23)
3 《文献通考·经籍考》录庞氏著作·····	(24)
4 《四库全书总目》录《伤寒总病论》·····	(25)
5 《四库全书简明目录》记《伤寒总病论》·····	(26)
6 《中国医籍考》载庞氏著作·····	(26)
7 题宋刻庞安常《伤寒总病论》后·····	(29)
8 重雕宋刻伤寒总病论《札记》题识·····	(30)
9 《蕙云楼藏书志》载《伤寒总病论》·····	(30)
10 《经籍访古志补遗》载《伤寒总病论》·····	(31)
11 《仪顾堂续跋》“宋槧《伤寒总病论》跋”·····	(31)
12 地方志记载庞氏著作·····	(32)
13 《医说》述《庞安常脉法》·····	(34)

三、方志选录····· (36)

1 影印明刊《黄州府志》·····	(36)
2 影印明刊《蕲水县志》·····	(36)
3 乾隆十四年《黄州府志》(1)·····	(36)
4 乾隆十四年《黄州府志》(2)·····	(37)
5 乾隆五十九年《蕲水县志》·····	(38)
6 嘉庆重修《大清一统志》·····	(38)
7 道光九年重刊《楚宝》·····	(39)
8 光绪六年《蕲水县志》·····	(39)

- 9 光绪十年《黄州府志》(1)(39)
- 10 光绪十年《黄州府志》(2)(40)
- 11 宣统二年《黄州府志拾遗》(41)
- 12 民国十年《湖北通志》(42)

四、庞氏弟子..... (43)

- 1 张扩.....(43)
- 2 李百全.....(49)
- 3 王寔.....(50)
- 4 胡道士.....(52)
- 5 魏炳.....(53)
- 6 栾医生.....(53)
- 7 屠光远.....(53)

一生平事迹

1 庞安时传

庞安时，字安常，蕲州蕲水人^①。儿时能读书，过目辄记。父，世医也，授以《脉诀》。安时曰：“是不足为也。”独取黄帝、扁鹊之脉书治之，未久，已能通其说，时出新意，辩洁不可屈，父大惊，时年犹未冠。已而病瘵^②，乃益读《灵枢》、《太素》、《甲乙》诸秘书，凡经传百家之涉其道者，靡不通贯。尝曰：“世所谓医书，予皆见之，惟扁鹊之言深矣。盖所谓《难经》者，扁鹊寓术于其书，而言之不详，意者使后人自求之欤！予之术盖出于此。以之视浅深，决死生，若合符节。且察脉之要，莫急于人迎、寸口。是二脉阴阳相应，如两引绳，阴阳均，则绳之大小等。故定阴阳于喉、手^③，配覆溢于尺、寸^④，寓九候于浮沉^⑤，分四温于伤寒^⑥。此皆扁鹊略开其端，而予参以《内经》诸书，考究而得其说。审而用之，顺而治之，病不得逃矣。”又欲以术告后世，故著《难经辨》数万言。观草木之性与五藏之宜，秩其职任^⑦，官其寒热^⑧，班其奇偶^⑨，以疗百疾，著《主对集》一卷。古今异宜，方术脱遗，备阴阳之变，补仲景《论》^⑩。药有后出，古所未知，今不能辨，尝试有功，不可遗也，作《本草补遗》。

为人治病，率十愈八九。踵门求诊者，为辟邸舍居之，亲视饘粥药物，必愈而后遣；其不可为者，必实告之，不复为治。活人无数。病家持金帛来谢，不尽取也。

尝诣舒之桐城^①，有民家妇孕将产，七日而子不下，百术无所效。安时之弟子李百全适在傍舍，邀安时往视之。才见，即连呼不死，令其家人以汤温其腰腹，自为上下拊摩。孕者觉肠胃微痛，呻吟间生一男子。其家惊喜，而不知所以然。安时曰：“儿已出胞，而一手误执母肠不复能脱，故非符药所能为。吾隔腹扪儿手所在，针其虎口，既痛即缩手，所以遽生，无他术也。”取儿视之，右手虎口针痕存焉。其妙如此。

有问以华佗之事者，曰：“术若是，非人所能为也。其史之妄乎！”年五十八而疾作，门人请自视脉，笑曰：“吾察之审矣。且出入息亦脉也，今胃气已绝，死矣。”遂屏却药餌。后数日，与客坐语而卒。

元·脱脱等撰《宋史·卷四百六十二》

〔注〕

①蕲州蕲水：蕲州下属的蕲水县，地在今湖北省浠水县。

②聩：耳聋。

③定阴阳于喉手：“人迎在喉，为阳明经所过；寸口在手，为太阴经所循。诊人迎和寸口，可知脏腑阴阳之有余不足。义出《内经》。

④配覆溢于尺寸：超越寸部而上鱼际的脉象称溢脉，为阳盛；超越尺部而下臂的脉象称覆脉，为阴盛。义出《难经》。

⑤寓九候于浮沉：寸、关、尺三部各有浮、中、沉三候，共为九候，亦称三部九候。

⑥分四温于伤寒：庞氏在《上苏子瞻端明辨伤寒论书》中说：“四种温病败坏之候，自王叔和后，鲜有明然详辨者，故医家一例作伤寒，行汗下，天下枉死者过半，信不虚矣。”

⑦秩其职任：列述药物的功用主治。

⑧言其寒热：评定药物的寒热性气。

⑨班其奇偶：分别药物的阴阳属性。

⑩补仲景《论》：指庞安时撰辑《伤寒总病论》六卷。

⑪舒之桐城：舒州下属的桐城县，地在今安徽省桐城县。

2 庞安常墓志铭

吾尝谓医之在天下，其资生民之用，盖与谷帛等，窃怪世之工其道者何少也。自三代以来，至今以医名世者多矣，其为论说方术大备矣。又尝怪夫世之医者，皆忽而不学，大抵从里閭俗师，其治病苟不杀人，众已指为良医矣。使孝子慈孙，不能无恨于疾苦之际者以此也，可不悲哉！予少多病，世之医往往与之游，率按前人成说而用之，未有心得而能原其所以说者也。盖医之为道，推本天地阴阳，经纪寒暑日星，考验国土山川，而人身外则骨节脉络俞穴，内则脏腑焦鬲井谷，其出入会通之变，甚多且微，非夫致至精之察、不惑之知，不足以尽之。而世医不以术易衣食者鲜矣，何暇及此哉！宜工之者寡，而古学之废也。意必有聪明微妙之君子，悯兹学之不振，悼生人之疾疢，独治其道，修其术，而莫或知之者焉。

绍圣丁丑，予得罪滴官齐安^①，而得蕲水庞君焉。其于医，殆所谓聪明微妙者也。君讳安时，字安常，蕲州蕲水人。其在孕时颇有异，及儿时读书，隽颖绝人，一经目辄终身不忘，乡党奇之。其父讳之庆，号高医，年老且病。君问医于父，父授以《脉诀》，君曰：“是不足为也。”独取黄帝、扁鹊之脉书治之。未久，已能通其说，时出新意，辨诘不可屈，父大惊，君时未冠也。已而病聋，君曰：“天使我隐于医欤！”乃益读《灵枢》、《太素》、《甲乙》诸秘书，凡经传百家

之涉其道者，靡不贯通。时时为人治病，有奇功，率十愈八九。而君性恺悌明豁，好施而廉。于是有舆疾自千里踵门求治者，君为辟第舍居之，亲视饘粥、药物，既愈而后遣之，如是常数十百人不绝也。其不可为者，必实告之，亦不复为治。活人无数，病家持金帛来谢，不尽取也。

戊寅之春，予见君于薪水山中。深衣幅巾，延客坐堂上。视其貌伟然，听其议博而不繁，妙而易晓。告予曰：“世所谓医书，予皆见之，惟扁鹊之言深矣。盖所谓《难经》者也，扁鹊寓术于其书，而言之不详，意者使后人自求之欤！予之术盖出于此，以之视浅深，决死生，若合符节。且察脉之要，莫急于人迎、寸口，是二脉阴阳相应，如两引绳，阴阳均，则绳之大小等。凡平人之脉，人迎大于春夏，寸口大于秋冬。何谓人迎？喉旁取之，《内经》所谓别于阳者也^②。越人不尽取诸穴之脉，但取手太阴之行度，鱼际后一寸九分，以配阴阳之数，而得关格之脉^③。然不先求喉手引绳之义，则昧^④尺寸阴阳关格之所起。寸四倍于尺，则上鱼际而为溢。故言溢者，寸倍尺极矣。溢之脉，一名外关，一名内格，一名阴乘之脉。曰外关者，自关以上外脉也，阴拒阳而出，故曰外关。阴生于寸，动于尺，今自关以上，溢于鱼际，而关以后脉伏行，是为阴壮乘阳而阳竭，阳竭则死，脉有是者死矣。此所谓寸口四倍于人迎，为关阴之脉者也^⑤。关以后脉当取一寸而沉，过者谓尺中倍于寸口，至三倍则入尺^⑥而为覆。故言覆者，尺倍寸极矣。覆之脉，一名曰内关，一名曰外格，一名曰阳乘之脉。曰内关者，自关以下内脉也。外格者，阳拒阴而内入也。阳生于尺，动于寸，今自关以下复入尺泽，而关以前脉伏行，则为阳亢乘阴而阴竭，阴竭亦死，脉有是

者死矣。此所谓人迎四倍于寸口，为格阳之脉者也^⑦。《经》曰^⑧：人迎与寸口皆盛，过四倍则为关格。关格之脉赢，不能极天地之精气而死。所谓关格者，覆溢是也。虽然，独覆独溢，则补泻以生之^⑨。尺部一盛，泻足少阳，补足厥阴；二盛，泻足太阳，补足少阴；三盛，泻足阳明，补足太阴，皆二泻而一补之。四盛，则三阳极，导之以针，当尽取少阳、太阳、阳明之穴，脉静者取三阳于足，脉数者取于手。泻阳二，当补于阴一。至寸而反之。脉有九候者，寓浮、中、沉于寸、关、尺也。且越人不取十二经诸穴，直以二经配合于手太阴行度，自尺至寸，一寸九分之位，复分三部，部中有浮、中、沉，以配天、地、人也。”又曰^⑩：“中风木，伤寒金，湿温水，热病火，温病起于湿，湿则土病，土病而诸脏受害，其本生于金、木、水、火四脏之变也。阳浮阴濡为风温，阳数阴实为温毒，阳濡阴急为湿温，阴阳俱盛为温疟。其治之也，风温取足厥阴木、手少阴火，温毒专取少阳火，伤寒取手太阴金、手少阴火，湿温取足少阴水。乡人皆谓我能与伤寒语，我察伤寒与四温之变，辨其疑似而不可乱也。故定阴阳于喉手，配覆溢于尺寸，寓九候于浮沉，分四温于伤寒。此皆扁鹊略开其端，而予参以《内经》诸书，考究而得其说。审而用之，顺而治之，病不得逃焉。”君为予言者尚多，独著其大者。又曰：“予欲以其术告后世，故著《难经解》数万言。观草木之性与五脏之宜，秩其职任，官其寒热，班其奇偶，以疗百疾，著《主对集》一卷。古今异宜，方术脱遗，备伤寒之变，补仲景《伤寒论》。药有后出，古所未知，今不能辨，尝试有功，不可遗也，作《本草补遗》一卷。”吁！其备矣。予问以华佗之事，君曰：“术若是，非人所能为也，

其史之妄乎！”

宋尝病风痹数年余，苦未尽瘳，君切脉曰：“脏病传所胜，君之疾，肝传于脾，脾气欲转运而肝制之也。去木邪、行土气而后愈。”因授予以方，少焉疾有间。又曰：“一方不可瘳，当增损之以应疾。”时时致方与药之难得者，察君子予尽心焉。

见君之岁，是冬而君痼疾作。明年春而剧。门人请自视脉，君笑曰：“予察之审矣，且出入息亦脉也。予胃气已绝，死矣。”因尽屏药饵，忽焉韵语数句，授其婿魏渊，盖超然达者语也。后数日，与客坐语而卒，年五十八，时二月初六也。

君性喜读书，闻人异书，购之若饥渴，书工日夜传录，君寒暑疾病，未尝置卷。其藏书至万余卷，然皆以考医方之事。晚好佛学，盖有得焉。以是年闰九月二十七日，葬于薪水龙门乡佛图村^①。

君曾祖讳慥，祖讳震，及父皆不仕。娶陈氏，生二男子，曰瑾，曰琪，皆笃孝修饰。二孙曰仲容、叔达。三女已嫁，魏渊、郭迪、陈翔，其婿也，各举进士。君临终以书遗予，若托以铭其墓者。嗟夫！予名微位卑，又方得罪于时，何足以为君重。然君尝有德于予，且其孙必以见囑，不得辞也。既铭其藏，又著所尝治而愈，人所传道者，更刻于碑阴，且以为法。铭曰：

生民之病，尧舜是医。惟周与孔，世之良师。遭病于身，扁鹊善治。惟民与身，同一矩规。猗欤庞君，有见于兹。独显以方，用不大施。孰疾于衷，孰毒于肢？有来求予，径取无遗。饮酒著书，终身遨嬉。欲知其仁，吊者垂涕。即化而安，不爽厥知。有考其书，铭以昭之。

宋·张耒《柯山集·卷四十九》

〔注〕

①齐安：即齐安郡，属黄州，地在今湖北省黄冈县。

②别于阳者：指《素问·阴阳别论》“别于阳者，知病处也；别于阴者，知死生之期”云云。

③关格之脉：《内经》关格之脉谓“三阳在头，三阴在手”，以人迎寸口对待而言；《难经》关格之脉仅以尺寸对待而言。庞氏则以《难经》为本，有时参用《内经》。

④昧：原文作“脉”，今据《医说》改。

⑤关阴之脉：参见《素问·六节脏象论》。

⑥入尺：原文作“八寸”，今据《医说》改。

⑦格阳之脉：参见《素问·六节脏象论》。

⑧经曰：下文出自《素问·六节脏象论》。

⑨补泻以生之：下文补泻之法，为庞氏从《灵枢·终始》中套出，但不完全相同。

⑩又曰：说见《伤寒总病论》。

⑪佛图村：原文作“图佛村”，今据《张右史文集》改。

按 张耒（1054—1114年），字文潜，又字柯山，楚州淮阴人，熙宁进士，曾官起居舍人（修撰起居注，古称右史）。绍圣初出知润州。从苏轼游，与秦观、黄庭坚、晁补之称苏门四学士。后两度坐党籍受贬，曾谪居黄州，与庞安时交往甚密。晚年居陈州宛丘邑。有诗文集一百卷，因散佚，后人編集卷数不一。今有影印手抄本《张右史文集》六十卷；《四库全书》本名《宛丘集》，七十六卷；《武英殿聚珍版书》本名《柯山集》，五十卷（另又有补辑本）。张氏通医药，辑有《治风方》一卷，凡三十二方，今佚。本篇墓志铭是受庞安时临终前嘱托而作。

3 与庞安常同游

黄州东南三十里为沙湖^①，亦曰螺师店，予买田其间，因往相田。得疾，闻麻桥^②人庞安常善医而聋，遂往求疗。安常虽聋，而颖悟绝人，以纸画字，书不数字，辄深了人意。余戏之曰：“余以手为口，君以眼为耳，皆一时异人也。”疾愈，与之同游清泉寺。寺在蕲水郭门外二里许，有王逸少^③洗笔泉，水极甘，下临兰溪^④，溪水西流。余作歌云：“山下兰芽短浸溪，松间沙路净无泥，萧萧暮雨子规啼。谁道人生无再少，君看流水尚能西，休将白发唱黄鸡。”是日剧饮而归。

宋·苏轼《东坡志林·卷一》

〔注〕

①沙湖：《大清一统志·黄州府》：“沙湖，在黄冈县东南三十里。《舆地纪胜》：东坡尝买田于此。”

②麻桥：据《嘉靖蕲水县志》：麻桥在县治西一十五里。解放初曾设麻桥区，今有麻桥乡。

③王逸少：即王羲之，东晋书法家。

④兰溪：《大清一统志·黄州府》：“兰溪，在蕲水县东。”相传陆羽烹茶之泉及羲之洗笔之井皆源出兰溪。

4 与陈季常书

近因往螺师店看田。既至境上，潘尉与庞医来相会。因视臂肿，云非风气，乃药食毒也，非针去之，恐作疮乃已。遂相率往麻桥庞家，住数日，针疗，寻如其言，得愈矣。归家，领所惠书及药，并荷忧爱之深至，仍审比来起居佳安。曾青老翁须《传

灯录》，皆已领，一一感佩。《五代史》亦收得。所看田乃不甚佳，且罢之。薪水溪山，乃尔秀邃耶！庞医熟接之，乃奇士。知新屋近撰《本草尔雅》（下小字云：谓一物而多名也），见刘頌具说，深欲走观。近得公择书云，四月中乃到此，想季常亦未遽北行，当与之偕往耳。非久，太守处借人遣赍家传去，别细奉书。

宋·苏轼《东坡续集·卷五》

按 本篇是苏轼给陈季常的书简，因谈到庞医安常的事，故收录之。季常名黼，少年好剑任侠，稍壮折节读书，晚年庵居蔬食，不与世相闻，自称龙邱先生，又曰方山子。与苏轼交往甚密，轼尝为之作《方山子传》。此篇是元丰五年苏轼从庞安常家回黄州后写给季常的。

5 庞安常耳聩

蕲州庞君安常，善医而聩，与人语，须书始能晓。东坡笑曰：“吾与君皆异人也。吾以手为口，君以眼为耳，非异人乎？”

宋·苏轼《东坡志林·卷一》

按 宋袁文《瓮牖闲评》说：“东坡一时以此戏安常则善矣，然不觉自状为哑者，读此可发一笑。”

6 庞安常医术绝妙

蜀人单骧^①者，举进士不第，顾以医闻。其术虽本于《难

经》《素问》，而别出新意，往往巧发奇中，然未能十全也。仁宗皇帝不豫，诏孙兆^②与驤入侍。有间，赏赉不赀，已而大渐，二子皆坐誅。赖皇太后仁圣，察其非罪，坐废数年。今驤为朝官，而兆已死矣。

予来黄州，邻邑人庞安常者，亦以医闻。其术大类驤，而加之以针，术绝妙。然患聋，自不能愈，而愈人之病如神。此古人所以寄论于目睫^③也耶？驤、安常皆不以贿赂为急，又颇博物，通古今。此所以过人也。元丰五年三月，予偶患左手肿，安常一针而愈，聊为记之。

宋·苏轼《东坡志林·卷三》

〔注〕

①单驤：北宋医官。嘉祐八年，仁宗患病，与孙兆同诊。初获效，加官进赏。未几仁宗崩，二人皆遭罪，数年后复为朝官。

②孙兆：北宋医官，本卫州人。名医孙用和（官尚药奉御）之次子，与兄孙奇皆登进士第，父子三人俱以医闻名。

③寄论于目睫：《史记》谓目能“见豪毛而不见其睫”，东坡以此言庞安常愈人之病如神而不能自愈其聋。

7 庞安常为医不志于利

庞安常为医，不志于利，得善书古画，喜辄不自胜。九江胡道士颇得其术，与予用药，无以酬之，为作行草数纸而已。且告之曰：“此安常故事，不可废也。”参寥子^①病，求医于胡，自度无钱，且不善书画，求予甚急。予戏之曰：“子粲、可、皎、彻之徒^②，何不下转语作两首诗乎？庞、胡二君与吾辈游，不日索我于枯鱼之肆矣^③！”